

P. 577, L. 3【仰信】《大毘盧遮那成佛經疏》卷3〈入漫荼羅具緣真言品 2〉：「有大信解者。此信解，梵音阿毘目底，謂明見是理，心無疑慮。如鑿井，已漸至泥，雖未見水，必知在近，故名信解也。下云深信者。此信，梵音捨擲馱，是依事依人之信，如聞長者之言或出常情之表，但以是人未嘗欺誑故，即便諦受依行，亦名為信。」(T39,p.614,b9-15)參考後文 p. 627~630

P. 577, L. 5【破法罪業】以邪見破斥如來之正法。與「謗法」同義。《摩訶般若波羅蜜經》卷11〈信毀品 41〉：「破法業因緣集故，無量百千萬億歲墮大地獄中。是破法人輩，從一大地獄至一大地獄，若火劫起時，至他方大地獄中生在彼間。從一大地獄至一大地獄，彼間若火劫起時，復至他方大地獄中生在彼間。從一大地獄至一大地獄，如是遍十方，彼間若火劫起故從彼死。破法業因緣未盡故，還來是間大地獄中生此間，亦從一大地獄至一大地獄受無量苦。此間火劫起時，復生十方他國土，生畜生中，受破法罪業苦，如地獄中說。重罪轉薄，或得人身，生盲人家、生旃陀羅家、生除廁擔死人種種下賤家。若無眼、若一眼、若眼瞎，無舌、無耳、無手。所生處無佛、無法、無佛弟子處。何以故？種破法業積集厚重具足故，受是果報。」(T08,p.304,c11-26)

P. 577, L. 6【增道損生】天台宗所說「法華本門」之利益。道，指中道之智；生，指變易生死。增道損生，即謂中道之智漸次增進，而變易生死隨之漸次損減。《法華經玄義》〈序〉云：「發眾聖之權巧，顯本地之幽微。故增道損生，位鄰大覺；一期化導，事理俱圓。」(T33,p.681,b15-17)據天台宗之說，於菩薩修行階位中，自初住位以上至妙覺位，四十二階位菩薩，其中道之智次第而增，稱為「增道」；由於智增而四十二品之無明遂斷，變易生死乃漸次損減，稱為「損生」。此係就一法身之智、斷二德而論其增減。又十住位乃至等覺位之四十一階位菩薩，各有增道損生，隨之亦皆具「十如是」之法；而於妙覺位（佛果位），無明既盡，則無損生之義，亦即不具十如是中之「如是報」，故僅有九法，然若由「以佛為無上之果報」之觀點而言，則妙覺位亦應具有十如是。又天台宗論四十二位之增道損生，並非如別教之隔歷次第。法華經玄義卷五上：「今文明四十二位炳然，皆是無次位之次位，達於實相，增道損生，論次位耳。」～《佛光大辭典》《法華文句記》卷9〈釋踊出品〉：「信者即增道下，

「云云」者，未來稟權，多疑遠本，應須委約諸方便教，明不信者，消今文意；今文並約久成明信，而論增道，增道必損生，具如後品。(分別功德品 17)」(T34,p.327,b19-22)

P. 577, L. -6【除我等疑】參考 p. 579：6「我等從佛聞。於此事無疑。」《法華經授手》卷 7：彌勒「總為新發意者聞語生疑，彌勒自己明明說出，則知彌勒之疑，原與智積、文殊無異(p.492、493)。反覆辨難，無非欲後學決疑堅信，以成無上菩提也。」(X32,p.763,c1-4)

P. 578, L. 3【如蓮華在水】《法華經授手》卷 7：「此頌疑遠本。謂眾不可紀。復是久修。其神通三昧超過一切。皆宿學也。以蓮華在水一句。上喻不染世法。下喻從地涌出。如此者。皆循循恭謹於如來前。則有似為如來所化。論其事。實懸遠。觀其情。又逼真。此實所難信者也。」(X32,p.763,c14-18)《華嚴經合論纂要》卷 2〈十地品第二十六〉：「此七地以世間、出世間智、悲。入於世間同凡夫事。圓滿普賢行門。雖同俗染。智無染性。如蓮華在水。性自無濕。故恒處生死而生死恒寂。非三乘積行之所能知。」(X05,p.26,c18-21)蓮華出污泥而不染，清淨微妙，諸經論中常以之為譬喻，《中阿含經》卷 23〈穢品 3〉〈青白蓮華喻經〉云：「猶如青蓮華、紅赤白蓮華，水生水長，出水上，不著水。如來世間生、世間長，出世間行，不著世間法。所以者何？如來、無所著、等正覺，出一切世間。」《文殊師利淨律經》卷 1〈道門品 4〉云：「人心本淨，縱處穢濁則無瑕疵，猶如日明不與冥合，亦如蓮花不為泥塵之所沾污。」(T14,p.452,b3-5)陳譯《攝大乘論釋》卷 15，以蓮華之香、淨、柔軟、可愛四德，喻法界真如之常、樂、我、淨四德。又如以法華、華嚴比喻法門；《華嚴經》、《梵網經》等有「蓮華藏世界」之說；密教亦以八葉蓮華為「胎藏界曼荼羅」之中台；以蓮華表示眾生本有之心蓮。～《中華佛教百科全書》

《閱藏知津》卷 36：(1)為蓮故華，譬為實施權。(2)華敷蓮現，譬開權顯實。(3)華落蓮成，譬廢權立實。(4)蓮譬於本，華譬於迹；從本垂迹，迹依於本。(5)華敷蓮現，譬開迹顯本。(6)華落蓮成，譬廢迹立本。是以先標『妙法』，次喻『蓮華』。蕩化城之執教，廢草庵之滯情；開方便之權門，示真實之妙理；會眾善之小行，歸廣大之一乘，上中下根皆與記莂。又發眾聖之權巧，

顯本地之幽微，故增道損生，位鄰大覺，一期化導，事理俱圓，蓮華之譬，意在斯矣。(J32,p.142,a8-17)

P. 578, L. -1【是諸菩薩等】《法華經授手》卷 7：「彌勒既謂不識一人。又焉知彼志固無怯。遠劫行道。以至忍辱心決定。十方佛所讚耶？其所謂不識。正是識之極矣。但欲為新發意及未來實不識者。令其證到彌勒不識之境。」(X32,p.764,a5-8)對「不識」以言「識」，則智者為能識、有所識者；約「識」而忘其「所識」，乃是「識之極」也。其彌勒不識之境，為不識有「所識」，識者不可得也。

P. 579, L. 6【願佛為未來。演說令開解】《法華經授手》卷 7：「如來垂教之心固切。而菩薩輔化之誠亦慤。彌勒之請詞。步步迫切者。非謂佛不微細垂慈。只要行人信根堅固。洗除心垢。漸入佳境。稍著疑情。便墮惡道。其悲愍深懷。慈濟苦心。真與佛等矣。略開明動執生疑已竟。」(X32,p.764,a10-14)

P. 579, L. 7【生疑不信者、當墮惡道】參考前文 p. 577：6「淺行易生誹謗。謗墮惡道。」如 p. 284～285。又 p. 287：7—「問：謗經生罪，則經非罪緣乎？答：佛之說經，唯為生福；迷者不信，自獲罪殃。如四大本為養育人物，愚者犯之，自取損害耳。今佛諄諄告諭，既令宏法觀機，兼使彼知避苦，可謂徹底大悲矣。」p. 210：-1〈方便品〉：「迷惑不信受。破法墮惡道。」《妙法蓮華經玄贊》卷 4：「以諸眾生處俗現在苦中、出家妄行苦行，無暇頓能信大乘法，若為說者，返生誹謗、疑惑、破壞，脫生不信，却墮惡道。又在俗者，沒苦故不信；外道出家者，破法故不信；既有此損，寧不說法疾入涅槃，何得翻損諸眾生也！」(T34,p.729,c1-6)

《法華經擊節》卷 1：「是須自信自心。自參自悟。方堪紹佛家風。故從地湧出品乃顯自心開發之象也。所謂從門入者。不是家珍。向自己胸中流出。方始蓋天蓋地。所以他方來者。雖是菩薩。猶尚不堪。故云『不須汝等護持此經』。我自有『六萬恒河沙眾』。是時大千國土應聲震裂。而無數菩薩同時湧出。惟此恒沙性德。本自圓成。只在人人六根門頭。放光動地。應用不缺。故有六萬恒河沙眾。身有無量光明。以根塵同源。縛脫無二。故『先盡在此世界之下』。

2022/1/11

以中間無實。故若交蘆。故云『虛空中住』。以現前煩惱皆從法性所流。故云『先所教化』。以事事皆真。頭頭盡妙。故云『大眾皆是唱導之首』。以一行徧融一切行。一法徧含一切法。故一一皆有多多眷屬。凡有所作。皆回向法身。故各詣虛空。奉覲多寶釋迦二佛。頭面禮足。以此妙契佛心。故問訊世尊。種種安慰。而世尊印許。如此方能得聞是經。入於佛慧也。斯乃法身邊事。非心識可到。故彌勒與八千恒沙大士皆起疑心。而如來至此。方大開秘密。直示本元常住心地。故云『如來今欲顯發宣說諸佛智慧。諸佛自在神通之力。諸佛師子奮迅之力。』故說壽量一品。以示法身壽量。竭盡本懷。以顯妙明常住真心。不動周圓徧十方界。隨緣普應。妙化無方。修短隨緣。隱顯無礙。以明如來智慧甚深無量。以種種方便示現利生。以明其智慧門難解難入之意也。』(X31,p.518, a21-b19)